

正德金山衛志六卷

一

地 210-29

274

107

松江府屬舊志

二種

正德金山衛志六卷

嘉靖上海縣志八卷



傳真社景印明刻本 售實洋拾圓

共印一百部 此部第七十七號

購藏

金山衛志

陳陶遺書



傳真社景印
所正陸刻本

金山衛志序

國家武備之設西北最重東南若無事焉然而海島諸夷乘潮出沒濱海之民時被毒螫

國初蓋嘗患之曰

命安慶侯即華亭之篠館築城置戍城成隱然與海中山相直故名金山衛世傳周康王東游築城鎮海其

志序

前

後宋武帝吳越王鏐亦嘗城於茲其地東南際大海西抵浙之海寧北抵吳淞江而襟帶淮揚諸郡

朝命揚州等處備倭總兵每駐節焉自宣德至今百餘年間島夷晏然雖巨盜間作旋亦授首非以守禦得人故耶正德十年張君文光以都指揮僉事來蒞其任久之政平盜息乃曰

今郡縣莫不有志衛乃獨無茲衛爲
東南巨鄣事多可書而世無聞焉使
後世有杞宋無徵之歎吾恥之乃咨
詢故老蒐輯異聞得遺事若干以授
其客彙爲六卷予得而閱之則古今
沿革與城池之繕廢塲堡之廣狹烽
堠之踈密儲待之虧盈行伍之羸縮
戈甲之犀銳操閱之勤惰屯田之蕪

墾將校之賢否勇怯皆可考而知則
斯志也謂爲無益可乎後之爲政者
於斯蓋將有徵焉文光脩武事而能
汲汲於文可謂知所重矣予故爲序
諸首正德丁丑秋七月光祿大夫柱
國少傅兼太子太傅戶部尚書
武英殿大學士賜告王鏊序

凡例

一衛志之作一以

國朝兵制為主遵用

大明官制諸司職掌軍政條例軍法定律

大明會典諸書及松江前志續志雲間通志松

江府志上海縣志嘉禾志蘇州郡志參互

按據然後類聚而條列之不敢妄加臆說

其制有因革損益與今見行不同者仍存

凡例

其舊

如指揮使一員
今三員之類

一凡衛所公署創修前後不同者類註本條
之下使觀者可考

一凡事有大綱有細目目之中又有目不能

一一分註者具見本目之下

如凡官並世
襲凡吏並民

克之類

一凡年月先後可據者直書某甲子或某年

其無可考者但曰初或曰中

如永樂初正
統中之類

一凡有二處當皆書者於其本目特詳其外

止書詳見其條下

如儒學在公署文廟在祠祀之類

一志書本以紀實凡蕪詞蔓語不錄其詩文有可考者各附本條

合凡例

二

脩志官

奉

勅總督直隸揚州等處備倭都指揮僉事張奎

預志事氏名

高郵州儒學訓導仁和夏有文脩

吏部注選國子生華亭沈淮校正

序金山衛志目錄

金山衛志志武制也武制以地立以人舉以政行非是三者雖欲用武武將焉用之而亦不足志也已夫邊城險固地也地以邊域斯設兵兵有險固斯可守故邊域首上志險固首下志焉有兵必有制制有先後有緩急建設棟宇制之急而先者次上志焉學校祠祀制之緩而後者次下志焉凡是非人莫舉非

合目錄

一

政亦無所藉而行故將校兵政上志以是終之人存政舉則威信孚而人材興地闢人聚則生殖蕃而兵宇固故人物土產下志以是終之武制備武政舉武功著志斯成矣其爲卷六爲綱十爲目六十爲七上志卷之一曰

邊域

建置沿革

要害

曰建設

衛所城池

營堡烽墩

巡司

官吏

倉庫

卷之二曰棟宇

公署樓櫓

場營

鋪舍

卷之三曰將校

總帥參幕

裨將

曰兵政

軍實

戶口

調撥

撫卹

戒備

餉給

屯田

下志卷之一曰險固

山類

水類

橋梁

古蹟

曰學校

法制

官牆

師儒

鄉舉

卷之二

曰祠祀

廟貌

祀秩

曰人物

宦蹟

軍功

孝行

貞烈

文藝

卷之三曰土產

陸品

水族

食物

器用提而書者其綱分而注者其目也

正德十二年歲在強圉赤奮若春孟陬望前

一日華亭白苧里人沈淮東之書

目錄

二

金山衛志目錄終

地圖

西抵浙江海寧衛地方

浙江寧波府所屬
直隸金山衛地方界止

獨樹
鹽課司

江門
鹽課司

南生大埠

鹽課司

金山

金山

金山

金山

金山

金山

金山

金山

金山

東洋大海

東抵東洋大海

東洋大海



金山衛志上卷之一

邊域

昔者聖王控禦百蠻邊城疆域皆戍以兵金山與島夷海道相達蓋東南邊域也

國朝置衛防海控禦嚴矣爲海徼之要者志邊域

建置沿革

金山故城按樞要周康王東遊鎮大海所築

上卷一

以南接金山因名其故址莫考然云南按金山則應麗金山北麓松江郡志云鸚鵡洲在海中金山下山北古海鹽州疑古海鹽州金山故城所在也吳越春秋又謂宋武帝築城于故海鹽以禦孫恩故海鹽在柘湖竟上其地卽今里人所謂金山嘴是也則晉亦嘗於此築城距今衛東僅十里許吳越王鏐有國防守海道築城置戍宋元仍之

國朝洪武十九年

命安慶侯等官沿海置衛即華亭條館鎮築城
始有金山蓋與海中金山相直亦循周康城
名以鎮海云

要害

東南諸海島日本占城琉球爲近呂宋百花
溜山白葛達阿哇打回等夷遠莫可數其蕃
舶出沒皆爲海患金山地薄東溟南瀕大洋
少西爲浙江北爲淮揚諸郡負在背脊松江
蘇州嘉興尤近心腹蓋淮浙喉襟處也

國朝旣設衛屯戍尋

命揚州等處備倭總帥復於此駐節據守得地
而兵防整嚴屹爲東北一雄鄣矣

里至

東西廣三百一十里 南北袤一百二十五
里 東至南匯嘴二百七十里 西至獨樹

營三十六里 南至海二里 北至松江守
禦中千戶所七十五里 東南到大海無際
西南到浙江杭州府三百一十里 東北
到太倉衛一百九十五里 西北到蘇州府
三百五十五里 東到大海無際 西到浙
江海寧衛一百三十里 南到海無際 北
到崑山縣一百八十五里 南京應天府水
驛十站八百五十五里 北京順天府水驛

三百九十一站三千八百九十八里

分野

按周禮保章氏註星紀吳越也爾雅星紀斗
牽牛吳分野漢晉天文志亦皆云然蔡邕起
斗六度至須女二度爲星紀吳越之分野鄭
司農亦謂星紀吳越金山在今松江府東南
海上吳郡地也當在斗之分野

建設

漢置候城吳列烽堠其紀傳有足稽者

國朝海防之制視前古尤備重營壘堡綿聯不絕烽舉旗揚晷刻千里江東恃賴其在於

茲志建設

衛所

金山衛

洪武十九年安慶侯等官奉命創立初設所七後調中千戶所守

禦松江經歷司一鎮撫司四百戶所七十

上卷一

四

內經歷司

鎮撫司

左千戶所

右千戶所

前千戶所

後千戶所

各領百戶所十

外松江守禦中千戶所

在松江府城內勝國時設魯花赤萬戶各

一人領千戶所九營五鎮守松江國朝罷之調蘇州官軍守禦既設衛洪武三十年罷蘇調徙衛之中所守禦

鎮撫司

守禦青村中前千戶所在海上距衛東北一百里創與衛同

鎮撫司

守禦南匯甯中後千戶所在海上距衛東北一百五十里

創與衛同

鎮撫司

各領百戶所十

營堡

金山營在衛東十里海上金山港口舊名金山港營景泰壬申翁總督紹宗奏

○上卷一

五

請委指揮同知

侯端建

江門營在衛西十里海上奏

請與金山營同委指

揮使西賢建

獨樹營在江門營西距衛一十八里天順四年翁總督紹宗奏

請委指揮使

西賢建

胡家港堡在海上曹涇鎮南距衛東三十里正統丙寅翁總督紹宗奏

請委指揮同知

侯端建

蔡廟港堡在海上柘林鎮南距衛東五十里奏

請與

胡家港堡同委指揮僉事孫旭建

城池

衛城

洪武十九年安慶侯等官領命沿海置衛召嘉湖蘇松等府衛軍民

土築周一十二里三百步有畸高二丈八尺永樂十四年十六年連被倭患總督都指揮使谷祥始令甄甃加高五尺埤堦六人周以樓櫓陸門四水門一釣橋四門外各築月城一內各建兵馬司一成化三年總督董寅奏令改甃以石董代去中止指揮使西賢成之

池

周一十三里三百步深一丈廣九丈外周以子河今湮永樂十五年指揮同知侯端

合上卷一

六

奉部符浚深加四尺廣二丈共一十一丈宣德六年指揮僉事復浚正德十年今張總督奎始至按視令指揮劉良翁仁廣加浚四尺共一丈八尺廣仍舊

松江守禦中千戶所城

即松江府城元末張士誠據吳時築周九

里二百七十三步高一丈八尺水陸門皆四門各有樓有月城釣橋四國朝因而葺之獨西南隅善崩千戶楊欽等常加修築

池

廣一十丈深七尺

守禦青村中前千戶所城

初與衛同召軍民土築周五里八十

九步高一丈九尺後甄甃亦與衛同加高六尺五寸共二丈五尺埤堦六尺陸門月

城樓釣橋各四正德二年額圯指揮傳
翁熊申委指揮使劉良指揮僉事蕭貞修
池周如深七尺五寸廣二十四丈涸久正德
丙子張總督奎委千戶范增李祿浚深五

尺廣
如故

守禦南匯薺中後千戶所城初與中前後所

周五里一百四十九步高二丈二尺後甃
甃亦與中前所同加高五尺并埤垸陸門

水門釣橋
月城各四

池周六里六十五步廣八丈深七尺淤久正
德丙子張總督奎委鎮撫胡珙浚深五尺

廣如
故

金山營城高二丈四尺厚如之周一
百二十八丈西有旱門

江門營城高一丈六尺五寸厚七尺八寸周
七十七丈四尺六寸南有旱門有

釣橋

池廣二丈五尺周
一百二十七丈

獨樹營城高一丈六尺五寸厚七尺八寸周七
十七丈四尺六寸旱門釣橋在南

池廣二丈五尺深一丈
周一百二十七丈

胡家港堡城高二丈七尺厚一丈八尺周九
十二丈甃甃東西有門有釣橋

池濶四丈周一
百二十二丈